



國雅卷之十

勾吳顧起綸玄言選

唐中丞

名順之字應德號荆川武進人嘉靖中官都御史

寓城西寺中禱言五首

金馬違朝謁雲林久臥疴堦寒鳴蟪蛄庭古蔭藤蘿東
帶知圍減觀書厭帙多無人來問疾獨坐似維摩
少年好疎懶遂與性相安經月常忘沐逢人或不冠鼎
裏金將化囊中玉可餐解言脫屣易豈憚拂衣難
緇塵坐自染白社偶相尋俗子慚玄度名僧卽道林三
生空有偈五蘊本無心說法何須難忘言悟已深

誰言龍藏遠亦在鳳城旁塔湧金銀界筵開功德場常
明瞻慧月利涉藉慈航沈痼還能遣齋心奉藥王
秋來不覺早落葉忽已繁物化每相代吾生尚何存微
材同樗櫟僻地當丘園竊慕東方子一官堪避諠

同孟中丞游龍泉寺

寶地風塵絕琳宮日月偏鴈來還繞塔龍去尚留泉戶
裏天花落空中梵樂傳遠師休禁酒客醉欲逃禪

普濟寺同孟中丞作

宛轉雲峯合微茫鳥路通閒來竹林下醉臥石房中陰
礪泉先凍陽崖葦尚紅攀蘿探虎穴憩石俯鮫宮上客

思留帶山僧不避驄夜深清嘯發流響入寒空

秋夜

捲帷望秋月月皎心亦清牀下寒蟲響庭前落葉盈漢
陰鮮機械河上多道情一適萬事畢棲棲何所營

禁中遇雨

紫閣蕭陰陰重門寒意深忽看百里霧來作九秋霖灑
道先清蹕霑花度禁林楯郎方夾陛立雨濕衣簪

十五夜旅懷

暫輟明光草言從洛下游塵沙兩河夕風雨二陵秋鏡
有潘郎鬢囊無季子裘更堪三五夜獨自下西樓

山行卽事

息馬依叢薄，寒裳涉淺沙。桃源無俗轍，雲谷有人家。凍壑含朝雨，晴峯聚晚霞。相期白社裏，共聽演三車。

送程翰林松溪謫居潮陽

窈窕玉堂仙，漂零瘴海邊。烟花違北署，鴻雁隔南天。水暗疑藏鱷，峰高欲跼鳶。應聞前席召，誰道去經年。

送孔上公助祭太學歸闕里時 賜袞衣一襲

國喜嘉賓至，人攀上客行。來觀周室禮，去入魯王城。新袞山龍炫，餘堂金石鳴。聖朝稽古意，待爾示諸生。

輓張舍人

少小侍中郎，人稱張辟疆。方隨雞樹息，忽是鳳毛亡。劍歇雲間氣，珠沈掌上光。一經何所托，重爲相君傷。

登孫登嘯臺

晉時肥遁士，長嘯此山陰。自遠龍蛇跡，能爲鸞鳳音。清淨同河上，沈冥異竹林。坐超惟默理，妙契守雌心。逸駕應難返，荒臺尚可臨。俯看恒衛水，遙見太行岑。砌冷疎花發，扉扁落葉深。寧知千載後，更有阮生尋。

銅雀臺

玉筮從茲闕，銅臺空自寒。分香留故愛，同輦罷新歡。急管銷魂易，輕絲續命難。何因作雲雨，彷彿夢中看。

高陽宮栢

嘉樹植崆峒年長勢更雄已無秦帝幸尚有漢皇封
比孤生竹根猶半死桐靈泉玉女灌甘雨嶽神通葉密
鶯難度枝樛葛易蒙垂陰九華帳弄影五雲宮色掩重
巖翠聲含衆竅風賓來虬蓋偃仙去鶴巢空非因不材
壽春秋自無窮

皇陵行

皇陵鬱鬱標淮甸泗上諸峯盡相面衣冠月出鬼前驅
劔璽書扃人不見銅井沈沈碧砌寒綵霞隱映紅闌干
碧砌紅闌松栢裏迢迢複道中天起石馬陰嘶萬歲

山靈風暗捲長淮水深山大澤雨纏綿元氣氤氳幾百
年憶昔元朝赤縣裂爭雄逐鹿俱豪傑一朝此地黃龍
飛嶻嶭鯨鯢徒濺血已聞帝王自有真更說南陽多貴
人戈矛貔虎三千士礪帶河山十八臣江左金陵扶地
軸漢家豐沛還湯沐復戶蠲租父老歡重門列戟園陵
肅羽騎千屯護玉魚鬣封數仞堆金粟御碑突兀表
勛勞百里無人敢樵牧流傳八葉到神孫孝敬先知
重本根伏膺烝嘗時不後清明寒食常澆酒貂褕中使
日焚香豸黼祠官夜朝斗新遣樵臣歲祭君不見驪山北印盡
秦蕪五陵佳氣空模糊壯哉茲陵從古無天長地久垂

鴻圖

從軍行送呂兵曹募兵遼海

匈奴十萬入雲中烽火照耀甘泉宮戰士三春不解甲
天王一怒欲臨戎追奔盡選流星騎併敵齊分明月弓
虜氣憑陵恒候月漢兵超忽若乘風已聞舊戍黃花口
復道新屯細柳中飛沙颯沓迷亭障組練續紛皆北向
赤羽朝徵六郡材白茅夜拜五丁將呂郎磊犖似劉生
許國從來氣不平匣裏雄韜藏豹變腰間寶劍作龍鳴
敕散萬金收猛士身騎匹馬出長城鴈行暗結遼西陣
魚貫晴開海上營誓同魯仲能飛箭豈學終軍漫請纓

建節行行通大漠檄書馬上時能作瀚海雲連太白高
燕然雪照旄頭落知君意氣坐相邀五百神兵集一朝
漁陽突騎蛇矛銳幽并俠客鐵驄驕車上磔人常賈勇
帳前戲稍屢爭標共道百年胡運息直教一戰虜塵消
歸來奏凱獻天子功名絕勝漢班超

歌風臺

我來擬上歌風臺豈意臺空只平地琉璃古井亦崩塌
斷碑無字苔蘚翳當年此地說豪華富貴歸鄉多意氣
枌榆社裏列黃麾泗水亭前張赤幟里中父老競來窺
昔日劉郎今作帝共談疇昔帝一喙李固大言少成事

一國雅卷十
五
文
椎牛張宴里閑空進錢今日幾萬計坐中只戴竹皮冠
衆裏長呼武嬭字酒酣擊節帝起舞樂極歌殘更流涕
遊子誰不悲故鄉萬歲吾冤猶樂沛賜名此朕湯沐邑
世世田疇免租稅風起雲飛又一時往事蕭條復誰記
樵人不識斬蛇藪行客還歸貫酒市臺下黃河盡日流
瞬息人間幾興廢

寄周中丞備禦關口

牙旗高建白羊東鼓角殷殷瀚海空雪後錦裘行塞外
月明清嘯滿樓中幕南五部思歸義薊北諸軍盡立功
燕領書生人共羨一朝投筆事平戎

張相公壽詩

帷中運策九州清共說留侯在漢京賜第近連平樂觀
入朝新給羽林兵儒生東閣承顏色酋長西蕃識姓名
却望上台多氣象年年長傍紫宸明

朱仙鎮觀岳將軍廟

丹青畫壁閃旌旂想像勤王轉戰時黃屋未歸南狩駕
金牌已罷北征師平蕪漠漠前朝隔曠野陰陰暮鳥悲
惟有西湖原上樹春來猶發向南枝

暮春遊陽羨南山

洞口石縱橫流泉復有聲柴門何處入雞犬自相迎靈

草知昏曉時禽識雨晴非因罷官久誰得此閒行
花落已成蹊村村綠葉齊一園通蝶戲千嶂隔鶯啼澗
草多名蕙山人舊姓嵇窮歡猶未返忽是夕陽西

送白尉往湖州

君家太湖北作吏太湖南驛路雞鳴近山城樹影含萬
川疏沃野百室競春蠶幸此猶吾土微官也自堪

送林宜興遷官南部

移家偶愛山中靜地主何煩重相敬吾生耻學茂陵郎
如君豈是臨邛令誰言陋巷不容車勞君擁蓋常造廬
誰言簿書日紛糾勞君爲我頻置酒五月清溪暑氣微

淹留竹裏共忘歸乍看朝霞初冒嶺忽驚夕露欲沾衣
清才自合翻飛蚤一朝西上金陵道請君別後數寄書
山中相識日應少

題龍圖

世人畫龍得龍皮叔也畫龍得龍髓當其停手凝思時
青天颯颯生風雨却恠三年不點睛那知一日飛騰去

山莊閒居

身名幸自謝籠樊白首爲農誓不諛慣住山中知鹿性
數行樹下識禽言巾車每許隣翁借書帙閒同道士翻
醉後漸看松月上滿村雞犬寂無喧

廣德道中

蒼山百轉見炊烟，茆屋高樓古樹顛。
細雨薜蘿侵石徑，深秋稷稻滿山田。
雲中望影迷遙岫，草裏聞聲覺暗泉。
倘遇秦人應不識，只疑誤入武陵川。

聞復官報寄京師友人

姓名不復挂朝參，魚鳥由來性所耽。
篋裏符經都已廢，山中藥草漸能諳。
疎狂自分三宜黜，懶病其如七不堪。
深謝故人推轂意，莫將陽羨比終南。

代東寄京中舊游

莫須彈鋏嘆無魚，自愛山中舊草廬。
雨後亂蛙生敝竈，

秋深落葉伴閒居，身隨老圃偏能慣。
論學潛夫愧不如，故人休訝無相訊。
中散從來懶作書，

寄題顧東橋侍郎載酒亭

後世還聞有子雲，爲耽寂寞臥江濱。
門前卽是尋山路，座上偏多載酒人。
祿位已非執戟賤，文章真與太玄鄰。
欲比侯芭應自笑，不知何日望清塵。

送樊醫歸南昌

山人自小愛遊方，尚說懷歸意不忘。
別友因留隔歲藥，還家試解百金裝。
澄江盡處聞鄉語，暮雪深時到草堂。
願爾常如秋後鴈，一年好是一來翔。

送王翰林浙江兵備

同時詞客不如君一劍還將靜海濱
雞舌盡從香署吏虎符新領伏波軍
帆檣萬里輪鮫織樓閣三秋吐蜃雲
自笑馮郎將白首欲從幕下策奇勲

聞石屋彭君置生棺有感爲賦

隱几嗒然安疑君是鵝冠道書肘後繫
人世鏡中看家木無千橘生常臥一棺
不因茲下淚任爾雍門彈

李文選藏書歌

中麓子最好奇平生苦心只自知
破塚將尋姬氏籍鑿山欲出禹王碑
鳥篆蚪文焚後字白雲黃竹刪前詩
藏

在陰厓及海窟神物守護誰得窺
自從掇取歸君屋但聞胡山鬼夜哭
汗牛詎止盈五車插架應知滿萬軸
開函几席生雲烟五色紛紜耀人目
家中綾綺割截盡更剪朝衣作裝束
中麓子幾歲讀書長閉門自信中郎能
一目還輕左氏識三墳邇來下筆作詞賦
絕似先年石鼓文却憶射策來京國
此時才士紛如雲雕龍白馬爭先後
一日逢君皆閉口試問鼯鼠君已知解對黃熊誰
更有共看飛騰邁等倫蚤排閭闔上麒麟
遂令紈袴生嘆息公卿元是讀書人
老大無聞予自憐論交多愧十年前
可道壯心猶未已時復從君乞一編

送鄒東郭掌南院

最憐江左風流地，暫作周南太史公。
通籍總稱鸞掖吏，分曹獨向鳳臺東。
香携漢署沾新綬，花近秦淮瞰故宮。
此去談經門下客，幾人相對坐春風。

贈吳山人歸自京師

山人不解機心事，蚤歲藏珍學鹿門。
住傍巖崖惟四壁，賦成金石幾千言。
偶遊卿相多懸榻，歸去蓬蒿正滿園。
京洛豈無知己在，看君終是厭煩喧。

次韻贈湯將軍

將軍故中山侯之孫也

將軍妙算古人同，料敵常如在目中。
鐵騎連營寒映月，

樓船跨海夜乘風。
玉門烽火今猶急，桂嶺珠璣久未通。
却笑封侯應有種，看君百戰立奇功。

宿遊塘書懷

雨過草木好，夜來池館清。
露蟲疑燭影，風樹答書聲。
似瓠甘無用，爲羶厭有名。
且師河上叟，毋使慮營營。

遊陽羨南山

到處暗杉松，多言路不通。
却從青嶂外，轉入綠園中。
谷口逢茶女，溪邊狎釣童。
勿嫌疎散甚，吾亦是愚公。

題金山寺與僧惠傑

何處尋龍藏，停橈聽梵音。
中流一塔影，遠樹萬家陰。
僧

定潮來去月明江淺深試將空水相堪比慧公心
隱隱帆檣外分明見法幢川光孤斷石井脉割寒江折
葦僧歸渡觀潮客倚牕一窺龍女偈坐使戰心降
憑虛聊騁望面面荻蘆秋坐據三生石心隨萬里流
鼉爭出沒樓館定沈浮向夕烟氛斂珠光似可求
過清溪莊值主人不在

岸岸夾叢竹清溪幾許深君從城市隱余向碧山尋
翳翳孤村景刁刁衆木吟還看題壁字想見閉關心

題清溪莊

城郭往來久獨憐湖上居素封千樹橘白首一牀書山

客秋分蜜溪昨夜捕魚橫金豈不貴此樂復何如

贈山陰陳千戶病臥毘陵三首

問子來何處云從剡水陰越吟多病客吳語故鄉心尺
牘人爭羨一言余所欽由來絕絃意今日爲知音
到處能驚座知君是姓陳小言工作賦大隱不違親倒
篋酬寒士投書絕貴人吾將從汝去共醉若邪春
高牙將門子何事老蓬蒿坦蕩從吾好浮沈任所遭行
窮五名岳家住一漁舸尚覺雄心在逢人脫寶刀

岳將軍墓二首

國耻猶未雪身危亦自甘九原人不返萬壑氣長寒豈

恨藏弓早終知借劔難吾生非壯士於此髮衝冠其作安佳
誰將三字獄墮此萬里城北望真堪淚南枝空自榮國
隨身共滅相與虜俱生落日松風起猶聞劔戟鳴

日本刀歌

有客贈我日本刀魚鬚作靶青絲綆大海茫茫浮渡來
身上龍文襍藻荇悵然提刀起四顧白日高高天炯炯
毛髮凜冽生雞皮坐失炎蒸日方永聞道倭夷初鑄成
幾歲埋藏擲深井日淘月煉火氣盡一片凝冰鬪清冷
持此月中斫桂樹顧兔應知避光景倭夷塗刀用人血
至今斑點誰能整精靈長與刀相隨清宵恍見夷鬼影

邇來韃靼頗驕黠昨夜三關又聞警誰能將此向龍沙
奔騰一斬單于頸古來神物用有時且向囊中試韜穎

題龍池菴

相傳伏虎禪
僧開山處

遠遊爲訪白雲巖轉盡孤峰路更南龍見小身時出井
虎馴大士舊開菴禪心客思俱潭水古佛寒松共石龕
坐對老僧無一事夜深相與說楞嚴

贈龍池菴老僧

僧解相人術少嘗遊
歷江南晚歸菴中

蚤從祝髮事棲巖爲禮名師每向南用華嚴事業淨六根成
慧眼身無一物寄茆菴厨邊引澗寧須汲松下翻經到
幾龕若使焚香能證道前身應說是香巖

殷司訓壽詩

白頭博士蚤懸車鳩杖扶身八十餘甲子暗占絳老歲
今文口授伏生書清尊只許通門客隱几何心出里閭
應笑羸金無所用仙郎才藻更誰如

贈袁御醫

家本東南海上村翻因避世向金門熊經自信窺真訣
鴻寶還將獻至尊鳴珮偶隨供奉侶下簾長對道
家言山人不厭少生事種橘年來滿故園

趙州懷古

千秋霸業消沈盡風俗猶傳趙武靈市上笑人揮錦瑟
場中俠客舞青萍鴈門北去通沙磧烏道西來入井陘
欲向平康訪公子蕭蕭賓館戶長扃

元夕詠冰燈

正憐火樹鬪春妍忽見清暉映夜闌出海蛟珠猶帶水
蒲堂羅袖欲生寒燭花不礙空中影暈氣疑從月裏看
爲語東風暫相借來宵還得盡餘歡

羅贊善

名洪先字達夫號念菴吉水人嘉靖中官春坊贊善

萬鹿園總戎臥病臨江邀晤天王寺

別君淮水上歸臥一丘閒時見白雲起如同滄渚間遠
書來昨歲離思滿秋山何意輕千里扁舟恣往還

餞同年薛畏齋

送君不忍別酌酒暫爲歡塞馬誰論失江鱸今可餐買
田多種秫養竹自栽冠倘遇南來鴈因風托素翰

安慶弔余忠宣公墓

淮南兵甲正紛紜不爲酬恩始立勲城上女牆頻易主
池邊神道獨憐君一身自許生無負數口還從死有聞
此後觀風求國士不知誰屬似將軍

書永慶寺壁次荆川

城陰背流水遠樹夕含風避客溪橋外逢僧野竹中間
名無以答齋食偶然同更向忘歸處方知過去空

送女兄夫周龍岡

結茅依野樹巷僻少來車落葉滿庭下寒山半雨餘忽
言京邑去因憶貴交疎問訊休相及爲農久廢書

竹林寺

了無俗事臥松陰起共閒僧訪竹林丹藥不傳留塔影
白雲猶在見禪心石如佛手摩僧頂谷嘯禽言學梵音
本是化城無住處被誰迷妄到如今

權生行

昔遊燕趙訪奇士廉頗已老荆卿死君門羽林十
萬師惡裳羸馬長安市俺答來窺古北口黃花白檀夜

不守將軍立虎印空懸部曲首鼠城頭走傳聞下詔選
材官南畿東郡多凋殘已典衣糧給弓箭更賣田園裝
馬鞍權生何年挾長技挺身六尺埋名氏天王寺中霜
葉黃一見臨風增意氣運矛橫槊百莫當飛步怒視哮
聲長出奇逞變不可測燈前天地俱低昂酒酣拔劍爲
起舞頓挫掩抑尤雄武三十六勢手法強不遇張顛誰
爲數臨江節士古有名嗟我無力搖公卿 天子初
聯十二營鞭撻四夷方洗兵權生權生休自輕

自佛手巖入慈雲菴

結茅應未久初地暫相尋偶誦蓮花偈因憐祇樹深嶺

雲垂佛手巖石對禪心莫作楞伽鳥終朝學梵音

石峯僧

石耳峯前古寺秋逢僧留宿話裴休有人問汝因緣事
莫道前生是石頭

夢同程松溪蚤朝

白雲終日滿青林無復人間百慮侵誰信牛衣當戶臥
尚懷 鳳闕聽鐘心故人此夕寧相憶暫語臨岐杳莫
尋不是年多翻喜獵從來犬馬念恩深

沈太僕

名愷字舜臣號鳳峯華亭人嘉靖中官太僕卿

園中禱言二首

中歲不自好營慮相糾纏寧如返初服停策倚林泉豈
不羨松喬生本無僊緣鍊形得長生此事終茫然有溪
亦可漁有山亦可田營已良已足踰分詎自全青陽不
再御朱華苦易捐欣然命卮酒且以娛天年

秋日野興

漸遠風塵迹殊深湖海心涼颺疎古木流水散幽琴鴈
落浮寒影烏棲下夕陰姓名人憶少應合謝朝簪

蘇臺弔古

衰草寒烟日欲斜孤城落木有歸鴉苧羅不記當年曲
麋鹿時依廢苑花范蠡湖邊應識主子胥山外更誰家
相逢莫問興亡事越水吳山並可嗟

登釣臺

天上徵書至先生只釣磯翻疑輪壁意不似故人時

高郵夜泊

蒹葭淅淅吹行舟芳草萋萋動客愁漁火影浮吳苑夕
棹歌聲入楚江秋邊淮木落寒無賴出浦潮平淨不流
一渡維揚便惆悵那堪回首望南州

陳學憲

名東字約之號後岡鄞縣人嘉
靖中官河南學憲有後岡集

和玉員外首夏遊南內

皇家秘苑自逶迤
標境烟霄迴蔽虧
縟翠千重縈襟樹
輕絲百丈戀交枝
當軒支石天澗取
遶徑瓊花月影移
不羨汾陽風景麗
爲觀今日長卿詞

銅雀妓

銅羽遶秋風
金樓夜帳空
舞鸞君詎見
調鳳妾猶工
淚竹愁難滅
采菱歌易窮
翻憐秦帝寵
驪下許相同

漳水別唐太史之洛

漳河流不極
離思眇難裁
可堪今夜月
復照別時杯
路向銅駝去
人傳金馬來
南征能作賦
遲爾二班才

高陽行

高陽年少事橫行
重俠由來不重生
奪得雕刀搖雪色
騎將飛馬感風聲

返趙懷唐一學何體

蕭疎秋欲晚
辛苦客情違
龍分雙劍遠
鴈阻一行歸
月色明疑見
風期邈難依
霜交白野合
露罷青林稀
羈候朝朝別
寒雲處處飛
茲時軫遠念
憶爾倦游非

詠神樂觀梅

素質舒玄圃
清芬裊碧紗
自將幽獨意
不逐豔陽華
避暖遲開葉
凌寒蚤著花
瓣輕飄易墮
枝曲影從斜
襍雪

國朝卷一
明春砌隨風入暮笳何須飛寶曆長此奉仙家

春郊晚行

遲日出郊圻悠然塵事稀野陰堪結蓋溝水欲流衣俠
客探丸返佳人抱瑟歸喧喧四鄰夕徙倚向斜暉

端午侍宴闕下

天中佳節盛歡娛闕下平明式大酺宮采初傳長命縷
中官競插辟兵符饌分玉食調仙桂酒酌瑤杯泛苑蒲
爲問寰中浴蘭者得如天上沐恩無

禁中對雪

禁裏霏霏朔氣饒紫風飄度薊門遙初翻金馬疑飛絮
漸集銅龍似薄綃百子銀題全合色萬年花發半封條
懸聞睿詔賡黃竹佇待東曹染赤毫

送焦提學之貴州

長安車馬紛轟闐分達逐勢稱豪賢闕下上書苦煩熱
侯門玳履爭腥羶西川焦君何崛強高情獨在雲霄上
銜杯那復顧尚書發言不肯容丞相值今 天子重
興文羨君藻思如雲屯大腹便便作經笥小言落落空
人羣南去南中烟霧多五溪猺犵充山阿禹王文教故
不迄至今學士半諸羅君乘使者雙龍馬未到聲名已
先寫穎拔初分佐理憂才高肯是優游者我聞大賢之

門進夷狄中原禮失求諸野聲教應聞自遠人策名可
在文翁下

送李郎中謫守吳興兼簡毘陵王別駕予與李邦
良王道思同館獲罪二君相繼譴謫而予塊然獸
居京師情見乎詞

投轄本適意何言吏道侵謫承 明主惠別感故交

心垂耳君如驥同翰我異禽毘陵如問訊道有式微吟

過聊城

茲地幾興沒猶傳昔受圍城危田子用將殺魯生歸一
矢能成信千金未易揮霸圖已銷歇曾是戀音微

贈汪侍御山居

小山上築背孤城大隱青春早謝名門長綠蘿時掛麈
溪分流水幾投纓霜前鳥去收遺菓雨後鷓肥拾野羹
寂歷山亭無一事時從羽客話長生

秋日武昌逢江良能談卦數

間居寡營慮野客遠相過駐馬俗情少談犧玄意多秋
雲滿山郭寒葉下湖波未卜沈冥理因君問若何

公安得應德村居詩酬贈

相期丘壑意悵憶海雲深更落淮南葉愁聞吳會吟祖
生先著策貢禹未投簪言貫盈尊酒歸來共竹林

齋亭新理牖壁暇日晝眠翛然見林山因而成咏
省齋日休暇煩抱罷營牽鑿牖通嶺氣分池注谷泉青
林遙侍衛好鳥並謠言本闕經時務賴茲靜者便朝三
受公令滿百遭吏愆白石搯牀下黃庭授枕邊因言無
事貴長對北山眠

過武溪楊隱君草堂

清溪幽隱處白首性閒鶴起開松逕風歸閉竹關道
書堆几上畊耒挂牀間坐悟忘言理令人不解還

入關

海國深秋別山關入望窮人家青壁裏鳥道綠蘿中地
暖收蒟葉天寒折桂叢嵐蒸晴亦雨瀑落靜還風靈藥
緇經識訛言待譯通問畊留野老賦食與山童直是忘
機甚非將大隱同

石灘

石劣不受鑿水歸時礙行卻令無競性翻作不平鳴逆
折聲猶壯崩騰色自明我行殊昧險於此獨嬰情

夜泊羊原

瘴溪南盡見蒼林獨宿蕭然生遠心臥聽潮生驚海近
起看嵐黑恨山深

晚望有懷

高閣罷餘霧曠然見遙岑依微夕明滅窈窕寒雲深隱
几獨成趣據梧時自吟惟當草玄者寂寞知予心

病後還朝毘陵唐編修兄弟携舟相送醉中話舊

因懷任二考功次韻作時唐方應命起廢

舟迎浦樹綠參參笑傲逢君僻性耽陸氏弟兄元莫逆
龐公主客自來諳病中握手愁能奈廢後還朝思豈堪
惟有同袍應問訊定言幾日發江南

任文選

名瀚字少海號忠齋四川南充人嘉靖中官吏部文選郎中

宿州陳愚猛士歌

君不聞夷門老生破萬卷白首不入明光殿南陽屠沽

提數兵轉盼揮戈下百城桃哀國士兩丘土鄧霍元功
千載名清朝明主重文事七聖臨軒親賜制暉章坐
閱董南書鹵簿導歸燕許第武皇末年收官軍上意
不喜談空文江東諸兒始講武檠箭颯沓愁胡雲宿州
陳愚萬人敵陰山射鵬回霹靂野戰才空百將壇名家
世捧降王檄腥風西吹酒泉郡胡沙犯月三重暈安得
突出一騎殺萬虜生奪班超虎頭印

聞邊報

青雲鼓角振邊畿紫塞烽烟赤羽飛北道將軍揮戰血
中興天子御戎衣三秋瀚海風傳檄萬馬陰山夜

破圍願奪單于不受賞功成歸隱釣魚磯

留別岐州程千戶

岐侯拔劍舞清宵秋滿樊川萬木凋老去自吹秦簫策
西征曾比漢嫫姚玉關許割桓伊郡宣室難容賈誼朝
莫遣音書太寥落世情人事正蕭條

邯鄲姬

十四理紅妝十五侍王昌王昌故蕩子轉戰出河陽舞
袖閒春綺歌鍾虛夜堂不落平原寵空令文信傷愁見
關山道萋萋烟草長

晚次閬州滕王臺

蘆荻陰陰王子臺秋濤冥冥猿嘯哀黃雲古戍踏歌去
落日千帆賈客來江鶴倒窺如意舞岸花斜映接離開
月明水深不可渡石壁繫纜魚龍迴

陳使君招飲閬州王宮

使君張樂前王地廢殿秋生淨綺羅蟲網階除聞玉馬
棘林風露見銅駝霓裳響屨雙成舞畫舸鳴榔百丈過
正是獨愁愁不歇江關蕭瑟聽驪歌

萬都督

名表字民望號鹿園一號九沙山人鄞縣人嘉靖間歷官南京後府都督僉事

山寺禱懷二首

借榻青蓮舍叢雲碧樹林沍寒人寂寂明月夜沈沈幽

獨身忘旅虛閒自適心猶嫌不諱姓漸有客相尋
多病因辭宦山中每獨行浮雲看世遠衲褐覺身輕出
處會何定衰榮已數更不須除老病吾欲悟無生

山中酬唐太史見訪

山齋寂寂臘初深披衲朝朝聞梵音我已出家惟帶髮
君來聯榻與同心天涯避地因多病幻跡隨緣卽故林
明月滿庭殘雪在那堪孤櫂返山陰

自然亭一首

亭在漕
府後園

孤亭臨水上竹裏小橋通深曠市塵杳蕭條墟里同平
蕪城列障枯木鳥爲叢吏隱吾何有悠然覺性空

柬答馬石渚方伯

衰年一構疾形神索然殊解印還明郡親朋亦因疎投
迹來山中但與木石居有懷薇垣客契闊今何如顧勤
垂問意頓令沈抱舒崇教自多政詎復存遐隅是以君
子交悠悠靡終初相思不相見因風致尺書量力避城
府豈爲形迹拘況當趨曠秩焉能安一區

贈吉牧雲

三晉家何在問居金馬門五侯延士少數口向誰存賣
藥朝依市掩扉時灌園還將萍水意與爾醉芳樽

靈巖寺

歌舞易消歇千秋一寺存日斜寒塔影僧閉薜蘿門

南濠寄居言志

吳門避跡掩郊扉衰柳寒塘客到稀鏡裏青絲愁盡變
人間白日病長違蕭條祗擬填溝壑懶慢誰能計是非
旅况自隨禪味淡佛龕燈火夜依依

夏日飲許員外山亭卽景

一亭梧竹裏迴出市塵間石逕緣蘿入江峯對座閒海
雲朝數變山鳥暮雙還別去衡茅下思君懶閉關

宿應仙山樓

窈窕蒼霞裏登樓愛隱居水聲孤枕近山色四牕虛林

靜朝看鹿心閒夜對書獨將耽寂意覺與世情疎

曉發靜海值雪

朔風吹曉騎飛雪滿征鞍一望川原合孤城鼓角寒寧
知裘帶濕唯念僕夫難應有袁安臥蕭然世不干

過德州同葉洞菴顧九華夜飲戴戶部清署

遠駕晏方息猶懷戴子居芳尊先有待林雪未全疎清
話夕忘寐煩襟時暫舒眷茲嘉友集明發意何如

憶子二首

毘陵携汝從師日韋布蕭然意味嘉三載漕樞成底事
祗應添得夢中華

汝因婚娶向明州漂泊天涯結百憂千里相思空極目
托書魚鴈亦沈浮

寄內

童時與子聯姻久薄宦同遊三十年別後飄零千里外
孱軀難料定生旋

病中夜坐

敝榻蕭然偶息塵孤燈明暗坐相親還思山閣禪棲夕
不謂天涯一病身

金山人

名鸞字在衡號白嶼隴西人正
德隆慶間嘗遊吳楚寓金陵

明妃曲

鐵騎暗邊塵紅顏惜此身雖爲胡地婦勝作漢宮人

泊淮上

愁輕遊冶興老重別離情野戍寒更盡河橋春水生斷
雲疎鴈影殘月亂雞聲明發應千里蕭蕭過楚城

登滄州城

渤海高人去仙臺古跡存風沙吹不斷天地與同昏野
水添新淥空烟集暮村故園桑柘裏悵望一銷魂

洪上

潺湲疑峽道彷彿似江聲亂石衝湍起高帆壓浪行關
河南北險舟楫往來輕日暮臨淮水蒼茫萬里情

哭湯沂東開府

赤手揮戈日丹心報
主時不曾辭力盡那復計身危
夜雨藏兵峽秋風墮淚碑
惟餘舊戎馬汗血至今垂

出塞

躍馬走胡塵將軍不顧身
黃沙一萬里赤幟五千人
天子猶稱漢匈奴豈畏秦
不知蘇屬國何日畫麒麟

入塞

積雪滿天山三年度玉關
單于猶未滅漢將可生還
寶劍迎霜利琬弓映月彎
白頭班定遠始覺破愁顏

石湖

東風載蘭檠二月下橫塘
芳草野湖碧落花春店香
醉呼吳市酒老作楚人狂
良會催遲暮青樓尚理妝

早春酬東園徐錦衣招集

平樂春風客王孫宴獨殊
十千能換酒五白慣呼盧
長嘯中天立酣歌清夜徂
從來寬禮數應不厭狂夫

酬保定總兵招遊鳳凰臺

小隊出花遲啼鶯恰恰時
鳳臺春正迴虎帳日初移
二水通梁苑千峯繞謝祠
舊遊俱在眼濫醉不須辭

田家

村墟隔市廛處處種湖田
鷗鷺洲邊宿牛羊道上眠
遙

看青嶂合近與白雲連除却催科吏無人更索錢

北河道中

叢臺北向通燕谷曲渚西流繞薊門歸鳥亂啼原上樹
夕陽多照水邊村因悲俗吏趨三輔曾有新詩寄陸渾
歲歲別來春又暮幾回芳草怨王孫

寄酬大中丞可泉胡公自秦安以諸集見貽

長安日日想風神一束魚書萬里身西去文章推兩漢
北來風雅變三秦陸機自笑遺先達鮑叔元知有故人
慙愧十年門下客青袍依舊白頭新

再過界首哭薛東山

湖上重來訪隱君亭邊獨立見遺文漫因白髮悲山簡
空對玄心憶子雲失路烟霄元是夢放形鷗鳥自爲羣
秋蕪萬井荒原隔老淚無聲不可聞

淮上送唐池嶼別駕赴部

與君南北漫相期惆悵東風楚水涯萬里辭家身是夢
三年作郡口爲碑重將直道干明主肯負初心答故
知芳草接天春望迥一尊相對復何時

泊孟城驛簡仲輞莊

孟城驛口射陽西水國風烟似五溪萬井落花春後發
幾家垂柳雨中齊時臨野店炊晨黍漸入荒村報午雞

見說輞川多勝事經過原許一相携

牛首

先皇曾此駐龍旂
一夜空山擁六師
春鳥尚思巡幸處
野花不似樂遊時
遙聞寺外江聲落
倒見天邊塔影垂
若問南朝昔年事
廢原荒井有封碑

與荆園凌掌教話舊君時謝病歸自福州

十載儒官一病餘
歸來猶自賦閒居
秋風會逐荷衣盡
社雨時驚燕子疎
負郭幸存三畝業
探囊惟有一牀書
白頭零落山陰久
遙想風流總不如

小景

探囊作到家佳

雨過更添山色水
流偏帶花香啼鳥聲
連遠樹行人影度斜陽

竹枝詞

春雨春風花意狂
誰家溪上浣花娘
水流不管花心亂
花落能教水面香

陳山人

名鶴字九臯武進人籍山陰嘉靖間嘗遊吳楚卒于金陵有陳山人寶林二集

麗人篇

雲為蟬鬢霞為裳
文軒繡戶逞新妝
白蓮未作風中色
丹桂先移月裏香
洛川立處花橫水
楚館歌時哭在梁
傷春半倚同心扇
留客雙飛並蒂觴
楊柳垂絲空繫念

峽蝶聯羣只斷腸欲把芳心托緘素錦書襟淚不成行
風雨望焦山

立馬對山寺隔林聞慧香未能超苦海徒欲禮空王天
影連沙白濤聲帶雨長儵然懷彼岸何處覓慈航

明妃二首

望望復行行風沙蔽漢旌但將身退虜不惜貌傾城羅
綺霜前色琵琶寒外聲心如隴頭水日夜向西京
恩遺三殿寵貌取一朝憐獨以無窮恨遙征不盡天胡
雲愁裏度漢月夢中圓芳意無人達年年托鴈傳

九里涇訪王駕部

欲過王維宅獨行川上沙水邊尋隱處竹裏問人家亂
葉疑無路枯藤尚有花入門忘款曲携手說年華

過慧崖老丈園亭

惟君愛嘉遯久無塵市喧幽居傍東郭綠水繞名園偶
共山雲出因逢道者言坐來溪欲暝落葉滿柴關

送熊磨溪憲副之關中

岐道雙江別玄霄萬里征長風隨代馬落日引吳旌天
遠龍門敞山空石鼓鳴知君弦浦上作賦弔秦京

過唐荆川太史隱居

惟君愛嘉遯結屋向江村遠月長隨棹殘潮自到門心

無時事累家有古風存已得川中樂都忘河上言遠作明佳

古意

千家砧杵亂城頭新月微明江水流牀外鳴蛩偏出夜
風前白苧不宜秋愁連天漢無鴻鴈夢到關山見戍樓
芳草不青蓮子落征夫何事好長遊

與駱行簡呂南夫張候中沈純甫蟾山晚宴

巖邊樹色隱丹扉日下仙輿度翠微水落盡如雷電過
山迴俱作鳳凰飛星臺似結仙人掌雲路疑通織女機
幽賞不殊椒酒會合歡須並月驂歸

訪九華顧丈話舊時顧還都下

長安爲客屢經春共說文章滿搢紳傲世豈隨彈鋏士
還山甘作灌園人居藏寶籙探玄理門有安車問隱淪
江上別來無鴈至思君幾度柳條新

吹笛懷友

玉笛橫吹入夜分中天華月度流雲茗川兩岸春風起
飛盡梅花不見君

池上聽陳老琵琶

夜深池上弄琵琶萬里銀河月在沙莫向樽前彈出塞
只今邊將未還家

送張伯純還關中

國雅卷十
三十一
成
憐君獨棹渡黃河西北山川入雍多料得到家春未至
馬蹄半在雪中過

送王諫議北上

東去春潮到驛門半江風雨近黃昏由來知己難爲別
不是殷勤戀酒樽

國雅卷之十

